

մնացի մինչև ցայսօր, այլ որովյետև որ տեսանեմ ժամանակս կենաց մերոց ո՛չ յաւելու քանց եօթանասուն ամս, և զանազան փորձառութիւն նման այս բանիս 'ի ժամանակի կենաց իմոց հանդիպեցաւ յիս, որում աչօք իմօք տեսի բազմաց և 'ի մէջ այսպիսի իրաց խորհրդի երբեմն երևեցայ և յոյժ երկմտութեամբ 'ի միտս առի և հաստատեցի սիրտ իմ փորձառութեամբ. նաևս ժամանակն ծառայ գոլոյ տղայութեան իմոյ արբունս հասակի հասուցի, և այժմոյս որ գտայ զիս ազատ և փորձառեալ այսպիսի խորհրդոյս՝ ո՛չ կամեցայ թոյլ տալոյ զի թաղեսցեն ընդ իս 'ի ամուր դամբարանի իմոյ այն որ հաւատացեալ եմ, զի օգուտ յազգին և աշխարհին իմոյ գոլ կարէ, վասն այսորիկ խոնարհաբար ներումն 'ի նախահարց իմոց խեղբերով յառաջացայ այն որ 'ի մէջ մտաց իմոց թուելով բարի վասն ազգին և աշխարհին իմոյ եզի առ այսմ, զի ժամանակ ընդ ժամանակս երևեսցի առաջի աչաց ընթերցօղաց ազգին իմոյ, զի իմաստանագոյնքն լցուցանելով պակասութիւնն գրեցելոյն իմոյ, եթէ հաճեսցի կամաց և հաճոյից իւրեանց՝ ջանասցեն 'ի գործ ածել:

Հաստատելով ասացուածքն իմ, եզից վկայութիւն 'ի սուրբ գրոց ըստ ուսուցանելոյ մեզ սրբոյ առաքելոյն Պօղոսի, զի պարտ է ամենայն խօսից լինիլ վկայութիւն սուրբ գրոց՝ նախ բե-